



DEO OPTIMO MAX.
UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
*manè discutienda, in Scholis Medicorum, die Mercurii
vigesimâ-quartâ Decembris M. DCC. XXXII.*

M. JOANNE-BAPTISTA CHOMEL, Consiliario
& Medico Regis ordinario, è Regiâ Scientiarum
Academiâ Veterano, Doctore Medico, Præside.

An causa Vitæ, causa Mortis?

I.



OELESTIA prospiciens homo Cælestibus addicitur. His in
terris errabunda sublimioris auræ particula argillose cuidam
portioni ad tempus fuit alligata, non affixa in æternum. Absit ta-
men credere Corpus humanum, caducam peregrinantis Animæ
navicellam, suis non esse numeris absolutum. Est veluti Mundus in
Mundo, magnitudine non dignitate dissimilis. In exteriori paulif-
per conquiescas habitu. Aptissima quidem omnium membrorum dispositio, egre-
gia capitis collocatio. Quam super femora truncus assidet eleganter! Quam ap-
positè brachia humeris adnata, brachiisque appensæ manus! Quam bellè

colorata Cutis ! Quàm venusta totius imago ! At quid tandiu corticem mireris ? Intima properes curiosius perferutari : solidorum & fluidorum adunatissimam ordinatam compagem explora. Hic, haud secus atque basis subiecta arduis, corpori sustinendo stabiliendoque firma stant ossa : ne sedibus excidant, validis inter se nectuntur vinculis ; ne faciliè frangantur, lentam fovent sorbentque medullam ; ne motibus exsiccetur levigata Cartilagine, unctuosâ rigantur *Synovia*. Sed ne tanta simul amplectere ; siste gradum. Incassumne sua verberat latera Cor, perpetuum illud mobile, in medio corpore veluti appensum ? ex uberrimo sinu Vitæ fons salit purpureus latex. Quantus rivulorum ex tam fausta scaturigine emergentium numerus ! Quanta varietas ! Nunc opportunâ deosculatone se sibi invicem affigentes, ad eandem tendunt plagam ; nunc se semet-ipsos fugitantes, varias prosequuntur vias. Hi partes quasdam vix salutantes, alias benigno ditant rore ; illi vagabundum rapientes liquorem paterno eum refundunt gremio. Trahit quemque sua facultas : omnes indefesse agunt. O quàm purpureum hunc laticem inenarrabili insequimur voluptate ! Huic se subducit visceri, amicè illud ingressurus ; in hoc tenuis, in illo spissior, in alio flavescens, sub variis adrepat formis, tenuissimoque evanescit halitu. Attamen effectus tam stupendos proprio Marte non exerit sanguis ; non tanta solus sustinet : alterno gaudet imperio cum fibris motricibus ; hæc variis intricatæ vel extensæ modis membranas efformant, fulciendis contegendisque fluidis accommodatas, fasciculosve (muculos vocant) componunt, figurâ, mole, & vi, pro partium situ & earum functione discrepantes. Cavitates quidam dilatant, easdem stringunt nonnulli ; trahunt hi, retinent illi : variis quoque legibus obligantur. Hic pro nutu voluntatis ducuntur ; illic voluntatem diffidentes Dominam famulari recusant, *Mechanismo* tantùm inservientes : quidam inter istos medium tenent ; at omnes à nervis, fidelibus Animæ habenis, motum accipiunt & alacritatem. Afficiuntur nervi, Anima sentit ; his vivificâ spirituosè tumentibus Lymphâ, stat jucundum Corporis cum Animâ commercium.

I I.

EX eodem luto pars omnis est fabrefacta, at diverso modificata artificio. Ex hac stupendâ varietate manat Ossium dura coagmentatio, compacta Carnium structura, flexilis & elasticus Valorum orbis, strictus Renum textus, vasculosa Testium compages, spongiosum Pulmonis *parenchyma*, mollis & pulposa Cerebri substantia, musculosum Cordis robur, reticulosa Cutis directio. Æque perfectò mirabilis symmetrica hujus exigui Corporis distributio, ac totius Orbis amplissimus ordo. Ibi staticæ, hydraulicæque omnes machinæ longè latèque diffunduntur, at in Corpore humano reconduntur intimids ; Trochleas enim, Vectes, Receptacula, Syphones, Anthlias, Liqutores, Trabes, Antennas, Molas, atque Funes, & quidquid mechanicis tenetur Legibus, utiliter in eo asservat humana Natura : hæc partes istas non sinit indecorâ marcescere desidiâ. Suum cuique exequendum assignat opus. Solida amico cum fluidis associata vinculo fulciunt, continent, & servant, fluida nutriunt, & augent ; accipit hæc pars, illa excipitur ; hæc regit illam, hanc illa vicissim moderatur ; omnes alternatim movent & moventur ; at nullum insurgit dominium ; mutuò munere obligari amant ; momentaneâ vice causæ sunt & effectus ; nil sine consensu. Liquores solidorum impulsu

adjuti canaliculis vel exilioribus pleno feruntur alveo. Solida à fluidis sustentata opportunam ab iis mutuuntur flexilitatem, benignoque gaudent elatere. Hinc manat functionum stabilitas, integritas secretionum, excretionumque libertas; hinc vitales motus, nutriendique calor; hinc corporis æquilibrium; hinc tandem alacritas individui, sanitatisque vigor. At Eheu! Quid hæc Corporis humani concinnitas tantis elata laudibus? Quid organa hæc instruatissima? nisi fœtile Vas ad interitum præceps.

I I I.

CADUCUM est quicquid ortum habet. Omne vivens interitui acquiescit, quem si velis in aliquantulum retrahere, sobrius esto. Ignis cito citius exinguendi scintillas fove, non suscita: at immortalitatem ne stolidus affectes. Non ficient ut stet in perpetuum Corpus Mædeides herbæ; non Latrocinatus sanguis sanguini transfusus; extraneas hic sibi non arrogat opes. Ipsamet Medica Virtus, Mortem in offenso pede currentem sistit tantum, non fugat; hæc autem tela contorquet Giganteos debellatura nixus. Mille Mortis causas circumferimus. Res *Non-naturales* dictæ variè corpus afficiunt. Sæpius cum illo blande agunt, sæpius illud malè torquent: corpus enim pede non pulsant æquo. Modò vitam teneant, modò gravi eam petunt ictu. Hinc motus adaugentur citius, vel tardius imminuuntur; hinc genuinus alteratur calor; hinc impuræ fiunt secretiones. Plus justo, vel debilius sanguinem verberant vasa; vel cruor languidiùs vehitur, vel vehementius turgescit. Fibræ nimis tensæ, vel relaxatæ nimis, rorem insanè repellunt, aut inutiliter admittunt. Sic noxam inferunt quæ nobis erant proficua. Stupeas ergo in prolixiorum Vitam non in citam Mortem.

I V.

NON à solis exterioribus imminet machinæ periculum. In sinu nostro, ut Vitæ sic Mortis causas fovemus. Ex ipsis Vitæ fontibus corpus haurit sui annihilationem. Vita in motu posita est; motu principia Vitæ dissolvuntur. Partium ex quibus Vita emergit indefinens alteratio, fluidorum quotidiana colluvies, solidorum exsiccatio continua, ineluctabilem nobis accersunt moriendi necessitatem. An à solidis omnis mali fomes? an à fluidis Vitæ corrumpantur penetralia? ne ambigatur: ab utrisque Vita pendet, ab utrisque Mors erit. Solida elaterio gaudentia, succum sensim sine sensu suos subeuntem poros, libenter admittunt, & ita explicari amant; hinc corporis accretio, quæ suis demum circumferibitur terminis. Proh dolor! Eadem tunc ferunt vulnus quæ antea ferebant opem: Cor enim ictibus repetitis salutarem ad partes protrudit succum; at motu perenni, feliciter partibus agglutinatum divellit. Calor sanguini fluiditatem fibrisque flexilitatem impertit; idem verò dissipat liquores, exsiccatur quæ fibras. At, inquires, imminentem ruinam arcet nutritio, partes ab innumeris Machinæ punctis volantes, novarum appositione, continuo resarciens. Quid inde? Cordis, vasorumque totus ille vigor fibris explicandis hæcenus impensus, accretione licet perfectâ, non idcirco imminuitur. Vis ipsa quæ succus truditur in poros, fibras jam satis extensas, nimio plus extendit; superstes quoque calor benignam earum depauperat molliem, rigescunt itaque paulatim, paulatimque tonum amittunt solidorum orbes. Fluidorum caterva languidiùs pellitur; hinc stasis stagnatioque corruptionis parens: hinc extre-

mitatēs algent obstructæ : tēnnia præpediuntur perspirationis oscula , retrogre-
diensque sanguis ramulos collaterales permeat solos ob inexistētibiles in ex-
tremis resistentiam. Res ideo quæ in commercium venerunt pares , etiam si
per initia non luculēter se vicissim demoliantur , diuturnitate tamen disparili
proportione evadunt , & sic infelix editur decretio Mortis prænuntia.

V.

ÆTAS atati succedit sed cunctis labitur temporibus. In doloribus homo
paritur. Vagiens in lucem prodit. Acutissima inter Mortis spicula , va-
cillans crescit corpus : hos si pertranseat scopulos securus , corroboratur ma-
gis , at nihilominus vehementioribus offertur procellis ; effrænata Juventutis
dat colla jugo. Per fugiens istud temporis curriculum , Mors ludendo diris eum
cruciat morbis. Hujus præcipiti impetu exagitur nimis , sapius occumbit :
cui si se subducatur adhuc , gradum conscendit virilem ; ibi , lapsas ætates non
longo prospiciens intuitu , in nova trahitur pericula , futura præsentit , at hæc ,
præ timore , velis obtendit etiam densioribus. Inane luctamen ! Ecce enim ,
curva venit tacito pede Senectus. Ut hieme folia arbores , ita nunc calvum
verticem albi deferunt capilli. Intersecant vultum rugæ. Pendula sit sub mento
cutis. Stillant nares ; inexplanaata vox ore balbutitur edentato ; surdescent aures ,
ceterique sensus hebetes facti , miserè distrahuntur : faciles tunc oboriuntur
lacrymæ , ineptique excutiuntur risus. Tripes ideoque magis ac magis tremu-
lum animal factus homo , tardo difficilique titubat passu , at vacillationem
brevi lapsus insequitur. Prostrata exarescunt membra. Anhelans pectus impedi-
ta fugit suspiria. Insensibilis intercluditur perspiratio ; incertaque fecerem-
dorum cohors hæret in limite. Arteriæ osseam quasi noctæ duritiem , nec li-
quores trudent , nec liquoribus cedunt ; hi vero eglaciati stant immobiles.
Poliposus evadit sanguis. Emaciata flaccescit caro. Aggravatæ concidunt pal-
pebræ ; excavatque oculi lucem quamvis ægrè ferentes , luce tamen orbantur
ægrè. Interrogatus tunc silet pulsus , fugit calor , perit motus , obrepensque
somnia irrevocabilis Corpus occupat anile.

Ergo , causa Vitæ , causa Mortis.

DOMINI DOCTORES DISPUTATURI

<i>M. Antonius Casamajor.</i>	<i>M. Ludovicus - Petrus le Hoc, Consiliarius Medi- cus Regis ordinarius in ejus Castellato.</i>	<i>M. Joannes - Franciscus Coutbier.</i>
<i>M. Raymundus de la Ri- viere.</i>	<i>M. Antonius - Nicolaus Guenault.</i>	<i>M. Joannes-Baptista Mon- gin , Chirurgia Gallica Professor & Medicus Re- gis ordinarius.</i>
<i>M. Franciscus - Josephus Humald, Regia Scien- tiarum Academia Socius, in Horto Regio Anato- mies & Chirurgia Prof.</i>	<i>M. Joannes - Baptista Boyer.</i>	<i>M. Michael-Procope Cou- teaux.</i>

Autor.

Proponebat Parisiis FRANCISCUS-FELICITAS COCHU
San. Germanus in Laya, Baccalaureus Medicus, A. R. S. H. 1732.
a sextâ ad meridiem.